

Sakspapir

Saksbehandler	Arkiv	ArkivsakID
Jo Bjarte Tømmerbakke		23/13

Saksnr	Utvalg	Type	Dato
007/2023	Kommunestyret	PS	23.02.2023
008/2023	Formannskapet	PS	31.01.2023

Strøyming av politiske møte i Modalen kommune

Forslag til vedtak:

Kommunestyret i Modalen vedtek å ta i bruk kommune-TV løysing for direktesending av kommunestyremøte og publisering av sendingane i etterkant av møta.

Løysinga skal takast i bruk frå og med mai 2023.

Utsetjingsforslag ført inn i møteportalen av Ann-Jorunn Farestveit

Kommunestyret i Modalen utset saka til etter kommunevalet 2023.

Alternativ forslag til vedtak ført inn i møteportalen av Kjetil Eikefet

Kommunestyret i Modalen vedtek å ta i bruk kommune-TV løysing for direktesending av kommunestyremøte og publisering av sendingane i etterkant av møta.

Opptak av møta skal arkiverast i 6 månader etter møtedato.

Løysinga skal takast i bruk frå og med mai 2023.

Saksopplysningar:

Bakgrunn

Kommunelova legg føringar for gjennomføring av politiske møte. Det er krav om kunngjering av tid og stad, sakliste og møtedokument skal vere tilgjengeleg for allmenta (§11-3). I tillegg har alle rett til å kunna vere til stades i møte i eit folkevalt organ, med mindre organet vel å lukka møte av omsyn til

teieplikta, (§11-5).

Koronapandemien førte til at mange kommunar valde å bruke digitale kanalar ved gjennomføring av politiske møte. Kommunaldepartementet la til rette for fjernmøte via eiga forskrift og kommunane såg behov for å gjere møte tilgjengeleg for interesserte på ein ny måte.

Modalen er del av IKT samarbeidet i Nordhordland saman med 10 andre kommunar. Her er det gjort avtale med verksemda Aventura som leverer ulike modular til politiske møte. Dei første IKTNH kommunane tok i bruk løysinga i 2019. Av dei 11 samarbeidskommunane er det Modalen og Masfjorden som ikkje har teke i bruk ei løysing. 6 kommunar nyttar Aventura si løysing, medan 3 kommunar nyttar Teams, Youtube eller Facebook.

Då kommunestyresalen på Flodmaal vart bygd, vart det kjøpt inn digitalt utstyr for eventuelle sendingar av politiske møte. Salen har lydsystem i tak, eit kamera plassert bak i rommet og kopling mot projektor for strøyming av presentasjonar.

Aventura presenterte løysinga for medlemmene i førre kommunestyremøte. Løysinga kan også nyttast til interne kurs, folkemøte og andre tilstellingar som vert gjort i kommunestyresalen.

Vurdering

Systemet har integrasjon mot kommunen sitt saksbehandlingssystem med automatisk oppretting av møte med saksdokument knytt til dei einskilde sakene. Systemet er enkelt å drifte undervegs i møte, med knappane start, pause og slutt. I tillegg kan ein knytte bokmerke til sendinga slik at dei som ser sendinga er oppdatert på agenda.

Det er mogleg å gjere opptak for deretter å publisere seinare, men ein kan også sende direkte. Ved direktesending opplever ein nokre sekund forseinking frå opptak til publisert på nett, men det ikkje mogleg å fjerne opptak frå direktesendinga.

Etter møteslutt må det gjerast ein mindre redigeringsjobb for å sikre at dokument og bilde samsvarar. Av ressursbruk er det i hovudsak test av lyd og bilete i forkant av møte som er mest tidkrevjande då oppdateringar frå windows og ulike system som skal snakke saman. Erfaringsmessig har Aventura kort responstid på support. Ressursbruk knytt redigering og sending i møte er nokså lite.

Dersom ein kjøper Aventura sine tilleggsmodular er det mogleg å legge inn forslag til vedtak, gjennomføre votering og lage talarliste digitalt i kommune-tv. Då vil innbyggjarane i kommunen også kunna følgja med på det som i dag går føre seg i møteportalen. Tilleggsmodulane vil krevje meir av representantane og ordførar under møte. Slik situasjonen er i dag, ser ikkje rådmannen behov for å ta i bruk tilleggsmodulane.

Konklusjon

Modalen kommune gjennomfører møte på dagtid på Flodmaal. Møta er opne for publikum, men fysisk oppmøte er avgrensa, mellom anna fordi mange er i arbeid eller på skule. Med kommune-tv vil møta vere meir tilgjengeleg for innbyggjarar og andre interesserte. Partar kan finne spesifikk sak og få med seg behandlinga i ettertid. Strøyming av politiske møte vil opne for at fleire får med seg kva som rører seg i kommunen og innbyggjarar kan engasjere på eit heilt anna nivå enn slik det er i dag.

Rådmannen tilrår difor at kommunestyret vedtek å ta i bruk kommune-TV løysing for direktesending

av kommunestyremøte og publisering av sendingane i etterkant av møta.

Kommunestyret bør ta stilling til om også møta i formannskapet og næringsfondstyret skal strøymast på same måte som kommunestyremøta. Dette kan ein evt gjere på eit seinare tidspunkt, når ein har prøvd ut løysinga på kommunestyremøte ei stund.

Formannskapet - 008/2023

FOR - behandling:

Samrøystes vedteke

FOR - vedtak:

Formannskapet sender saka vidare til kommunestyret utan innstilling

Kommunestyret - 007/2023

KS - behandling:

Rådmann orienterte nærare om løysinga og rammer for strøyming av politiske møter.

Kommunestyret kan sjølv vurdere retningslinjer som t.d. legg føringar for kor lenge opptaka skal ligge tilgjengeleg på nett.

Kommunestyret drøfta ulike innspel;

- forslag til at ein tek i bruk grunnmodulen, og ikkje den utvida tekniske løysinga som også ligg som moglegheit

- forslag til at ein utsetter handsaming av saka til neste valperiode, grunna kort tid igjen av noverande kommunestyreperiode.

Kommunestyret voterte over nytt forslag til vedtak frå Ann Jorunn Farestveit om utsetting av saka til etter kommunevalet 2023.

Forslag til vedtak fall med 5 stemmer for; Ann-Jorunn Farestveit, Sigrunn Almelid Birkeland, Håvard Engeseth, Robert Helland og Knut Farestveit.

Kommunestyret vorterte over nytt forslag til vedtak frå Kjetil Eikefet om strøyming av politiske møter.

Forslaget vann med 7 stemmer for; Kjetil Eikefet, Ove Eidsnes, Marit Kristin Nygard Nese, Anne Britt Almelid, Jannike Surland Våge, Liv Anne Aanensen og Siren Bruvik Øvre Helland.

KS - vedtak:

Kommunestyret i Modalen vedtek å ta i bruk kommune-TV løysing for direktesending av kommunestyremøte og publisering av sendingane i etterkant av møta.

Opptak av møta skal arkiverast i 6 månader etter møtedato.

Løysinga skal takast i bruk frå og med mai 2023.

